

## К ОПУБЛИКОВАНИЮ

### КОМИ РЕСПУБЛИКАСА ОЛАНПОДУВ ЁРД

Коми Республикалӧн Каналан Сӧветса депутатъяс И.А. Богдановлӧн, Е.В. Дьячковалӧн да О.А. Михайловлӧн запрос серти Коми Республикаса Каналан Сӧветын депутатъяслӧн ӧтувъяс (фракцияяс, депутатъяслӧн группаяс) йылысь положениелӧн 22 пунктлысь, мый вынсьӧдӧма Коми Республикаса Каналан Сӧветлӧн 2007 во урасьӧм тӧлысь 21 лунся III-10/24 №-а Шуӧмӧн, Оланподувлы лӧсялӧмсӧ прӧверитӧм йылысь делӧ серти Коми Республикаса Оланподув Ёрдлӧн шуӧм

Сыктывкар

2021 вося лӧддза-номъя тӧлысь 24 лун

Коми Республикаса Оланподув Ёрд, кӧні веськӧдлысьнас вӧлі В.В. Кретов, ёрдысьяснас вӧліны Н.В. Боковикова, А.В. Проскуров,

кӧні участвуйтисны Коми Республикалӧн Каналан Сӧветса депутат О.А. Михайлов, А.В. Никулин – Коми Республикалӧн Каналан Сӧветса депутат Е.В. Дьячковаӧс петкӧдлысь, Коми Республикалӧн Каналан Сӧветӧс петкӧдлысь Е.В. Глухова – Коми Республикаса Каналан Сӧветлӧн Аппаратысь Инӧда веськӧдланінын оланподув оланпастэчас да канму лӧсьӧдан юкӧнса начальник,

Коми Республикаса Оланподувлӧн 96 статьяса 2 юкӧнӧ, «Коми Республикаса Оланподув Ёрд йылысь» Коми Республикаса Оланпаслӧн 3 статьяса 1 юкӧнлӧн 1 пунктӧ, 78, 79 да 80 статьясӧ кутчысьӧмӧн,

видлаліс ёрдлӧн восьса заседание дырйи Коми Республикалӧн Каналан Сӧветса депутатъяс И.А. Богдановлӧн, Е.В. Дьячковалӧн, О.А. Михайловлӧн запрос серти Коми Республикаса Каналан Сӧветын депутатъяслӧн ӧтувъяс (фракцияяс, депутатъяслӧн группаяс) йылысь положениелӧн 22 пунктлысь, мый вынсьӧдӧма Коми Республикаса Каналан Сӧветлӧн 2007 во урасьӧм тӧлысь 21 лунся III-10/24 №-а Шуӧмӧн,

Оланподувлы лөсялөмсө видлалом йылысь делө.

Тайө делөсө видлалан помкаөн лоис Коми Республикалөн Каналан Сөветса депутатъяс группалөн запрос, а видлалан подулөн – эрдөдом гөгөрвотөмлун сы серти, лөсялөны-ө Коми Республикаса Оланподувлы вылынджык индом Положениелөн вензяна нормаясыс.

Ёрдысь-докладчик А.В. Проскуровлысь юөрсө, кыкнанладорсаяслысь да найөс петкөдлысьяслысь висьтасьөмсө кывзөм бөрын, сетөм документъяссө да мукөд материалсө туялөм бөрын Коми Республикаса Оланподув Ёрд

п а с ы и с:

1. Коми Республикаса Каналан Сөветын депутатъяслөн отувъяс (фракцияс, депутатъяслөн группаяс) йылысь положениелөн 22 пунктса медводдза абзац серти, мый вынсьөдома Коми Республикаса Каналан Сөветлөн 2007 во урасьом төлысь 21 лунся III-10/24 №-а Шуөмөн (водзö – Положение), Каналан Сөветса Аппаратын уджалысьяслөн лыдыс, кодъяс могмөдоны депутатъяслөн отувъяслысь уджсө, оз вермы лоны:

- 1) сэк, кор фракцияын либө депутатъяслөн группаын 15 да унджык пырысь, - кык уджалысьысь унджык;
- 2) сэк, кор фракцияын либө депутатъяслөн группаын 10-сянь 15-өдз пырысь, - өти уджалысьысь унджык.

Положениелөн 22 пунктса мөд абзацөн урчитөма, мый сэк, кор депутатъяслөн отувын 10 пырысьысь этшаджык, депутатъяслөн отувъяс асьныс могмөдоны асьыныс уджсө.

Коми Республикалөн Каналан Сөветса депутатъяс И.А. Богдановлөн, Е.В. Дьячковалөн, О.А. Михайловлөн запросын пуктөма юалөм сы йылысь, мый Положениелөн вылынджык индом 22 пунктс оз лөсяв Коми Республикаса Оланподувлы, сылөн 6, 17 да 78 статьяслы, сы вöсна мый, налөн видзөдлас серти, инөд боксянь татшөм ладмөдомыс оз могмөд Коми

Республикалөн Каналан Сöветса депутатъяслы депутатлысь удж збыльмöдигөн условиеяссö, медым мытшöдтöг да окталунөн збыльмöдны ассыныс инöдъяссö да кывкутана могъяссö.

«Коми Республикаса Оланподув Ёрд йылысь» Коми Республикаса Оланпаслөн 3 статьяса 1 юкөнлөн 1 пунктса «а» пунктув, 68 статьяса 2 да 3 юкөнъяс подув вылын Коми Республикаса Оланподув Ёрд видлалö делöяс сы йылысь, лöсялöны-ö Коми Республикаса Каналан Сöветлөн нормативнöй инöда актъяс Коми Республикаса Оланподувлы; примитö помшуймъяс сöмын шыöдчöмын индöм видлалантор серти да актлөн сöмын сийö юкөн серти, кутшöмöс шыöдчöмын лыддьöны оланподувлы лöсявтöмөн. Та дырйи Коми Республикаса Оланподув Ёрд примитö делö серти помшуймъяссö видлалан актлысь кызди веськыд вежöртассö, сідзи и официальной да мукöд актөн сийöс гөгөрвоодан либö инöдөн вöдитчан практикаын артмöм вежöртассö донъялöмөн, а сідзжö инöда актъяслөн системаын сылөн ин вылö мыджсьöмөн.

Тайö жö Коми Республикаса Оланпаслөн 3 статьяса 2 да 3 юкөнъяс серти Коми Республикаса Оланподув Ёрд решайтö сöмын инöд серти юалöмъяс, оланподув судопроизводство дырйи сийö кутчысьö збыль лöөмторъяс урчитöмысь да туйлöмысь став случайын, кор тайö пырö мукöд ёрдлөн либö мукöд органлөн компетенцияö.

Татшöм ногөн, тайö делö серти видлаланторйөн лöö Коми Республикаса Каналан Сöветын депутатъяслөн öтувъяс (фракцияяс, депутатъяслөн котыръяс) йылысь положениелөн 22 пункт, мый вынсьöдöма Коми Республикаса Каналан Сöветлөн 2007 во урасьöм тöлысь 21 лунся III-10/24 №-а Шуöмөн, а стöчджыка кö, прöверка сы серти, лöсялö-ö тайö нормаыс Коми Республикаса Оланподувлы, мый урчитö Коми Республикаын политика, экономика да идеология боксянь унапöлöслунсö, унаютыралöмсö, а сідзжö гарантируйтö öтйöза öтувъяслысь оланпас водзын öткодьлунсö да Коми Республикалөн Каналан Сöветса депутатъяслы инöдъяс да кывкутана могъяс мытшöдтöг да окталуна

збыльмодан условияс могмодомсö (Коми Республикаса Оланподувлön 6, 17 да 78 статьяяс).

2. Россия Федерацияса Оланподувлön 72 статьяса 1 юкөнлön «н» пункт, Коми Республикаса Оланподувлön 64 статьяса 1 юкөнлön «н» пункт серти канму власьт да меставывса асвеськöдлан органьяслысь система котыртан öтувья принципьяс урчитöм лоö Россия Федерациялön да Коми Республикалön öтувья веськöдланторйöн.

Россия Федерациялön да Россия Федерацияса субъектьяслön öтувья веськöдланторьяс серти йöзöдсьöны федеральной оланпасьяс да на серти примитан Россия Федерацияса субъектьяслön оланпасьяс да мукöд нормативной инöда акт (Россия Федерацияса Оланподувлön 76 статьяса 2 юкөн, Коми Республикаса Оланподувлön 64 статьяса 2 юкөн).

«Россия Федерацияса субъектьяслön оланпас пыртысь (бöрйöм) да олöмö пöртысь канму власьт органьяс котыртан öтувья принципьяс йылысь» 1999 во йирым тöлысь 6 лунся 184-ФЗ №-а Федеральной оланпаслön (водзö – Федеральной оланпас) 2 статья серти Россия Федерацияса субъектлön канму власьт органьяслысь система артмöдöны: Россия Федерацияса субъектлön оланпас пыртысь (бöрйöм) канму власьт орган; Россия Федерацияса субъектлön медвылыс олöмö пöртысь канму власьт орган; Россия Федерацияса субъектлön мукöд канму власьт орган, кутшöмьясöс артмöдöма Россия Федерацияса субъектлön оланподув (подувпуктас) серти.

Россия Федерацияса субъектлön оланпас пыртысь (бöрйöм) канму власьт орган лоö Россия Федерацияса субъектлön пыр уджалан медвылыс да оланпас пыртысь дзик öти власьт органöн. Фракцияслысь уджалан пöрадоксö да мукöд депутатьяслысь öтувьяс артмöдан да налысь уджалан пöрадоксö урчитöны Россия Федерацияса субъектлön оланпасöн да (либö) Россия Федерацияса субъектлön оланпас пыртысь (бöрйöм) канму власьт органлön уджаланартöн либö мöд инöда актöн (Федеральной оланпаслön 4 статьяса 1 да 4 пунктьяс).

Тайö жö Федеральной оланпаслөн 4 статьяса 8 пункт серти Россия Федерацияса субъектлөн оланпас пыртысь (бöрйöм) канму власьт орган ачыс решайтö асьыс уджсö котыртöм, инöд, юör боксянь, материально-техническöя да сьöмөн могмöдан юалöмьяссö.

Татшöм ногөн, Россия Федерацияса субъектъяслөн оланпас пыртысь (бöрйöм) органьясса депутатъясөн асьыныс уджмогьяс збыльмöдан условияссö индан юалöмьясыс, кызди и мукöд юалöм, кутшöмьяс пырöны канму власьт да меставывса асвеськöдлан органьяслысь система котыртан öтувья принципьясö, кызди артмö Россия Федерацияса Оланподувлөн 72 да 76 статьяслөн, Коми Республикаса Оланподувлөн 64 статьялөн вылынджык индöм положениеясысь, пырöны Россия Федерациялөн да Россия Федерацияса субъектъяслөн öтувья веськöдлöм улö, кутшöмьяслөн оланпас пыртан моглөн оланподув подув серти эм инöд боксянь ладмöдан тайö юкöнын тырмымөн паськыд дискреция, но та дырйи наөн примитöм помшүөмьяслы оз позь лоны паныдөн оланподув подувьяслы да веськöдланторьяс да уджмогьяс Россия Федерация да Коми Республика костын юклан öтувья принципьяслы.

Вылынджык вайöдöм да Россия Федерацияса Оланподулөн да Коми Республикаса Оланподулөн подулалöм инöда предписаниеяссö водзö сöвмöдöма «Коми Республикаса Каналан Сöвет йылысь» 2010 во вöльгым тöлысь 17 лунся 129-РЗ №-а, «Коми Республикälөн Каналан Сöветса депутатлөн статус йылысь» 2006 во öшым тöлысь 27 лунся 140-РЗ №-а Коми Республикаса Оланпасьясын, Коми Республикаса Каналан Сöветлөн Уджаланартын, кутшöмöс примитöма Коми Республикаса Каналан Сöветлөн 2002 во öшым тöлысь 18 лунся II-10/98 №-а Шуöмын, Коми Республикаса Каналан Сöветын депутатъяслөн öтувьяс (фракцияс, депутатъяслөн группаяс) йылысь положениеын, мый вынсьöдöма Коми Республикаса Каналан Сöветлөн 2007 во урасьöм тöлысь 21 лунся III-10/24 №-а Шуöмөн.

Сідз, «Коми Республикаса Каналан Сöвет йылысь» 2010 во вöльгым тöлысь 17 лунся 129-РЗ №-а Коми Республикаса Оланпаслөн 18 статьяса 1 юкөн серти Каналан Сöветлысь, сылөн органъяслысь да депутатъяслысь уджсö инöд, юөр чукöрган-донъялöм, документация, котыртöм боксянь, сьöмөн да материально-техническöя могмöдö Коми Республикаса Каналан Сöветлөн Аппарат – Коми Республикаса канму орган.

Фракцияслысь уджалан пöрадоксö да депутатъяслысь группаяс артмöдан да налысь уджалан пöрадоксö, а сідзжö Каналан Сöветын налысь уджсö могмöдан пöрадоксö урчитöны Уджаланартөн, Каналан Сöветлөн мукöд инöда актөн федеральнöй оланпастэчас да тайö Оланпас серти (тайö Коми Республикаса Оланпаслөн 17 статьяса 3 юкөн).

Депутатъяс öтувьяслөн уджмогъяс, депутатъяслөн öтувьясö пырысьяслысь инöдъяс да кывкутана могъяс збыльмöдöм, а сідзжö депутатъяслөн öтувьяслысь уджсö могмöдöм серти юалöмьяссö регламентируйтöма Коми Республикалөн Каналан Сöветын депутатъяслөн öтувьяс (фракцияс, депутатъяслөн группаяс) йылысь положениеён.

Положениелөн 19 пункт серти депутатъяслөн öтувьяс уджныссö инöд, котыртöм, юөр боксянь, редакционно-издательскöя могмöдöны асьныс. Депутатъяслөн öтувьяслысь уджсö документация боксянь, сьöмөн, материально-техническöя могмöдö Каналан Сöветлөн Аппарат тайö Положениён урчитöм мындаын.

Торйөн кö, тайö Положениелөн 22 пунктөн, котырган коланлун вылö мыджсьöмөн, индöма Коми Республикаса Каналан Сöветлөн Аппаратын уджалысьяслысь лыдсö, кодъяс могмöдöны депутатъяслөн öтувьяслысь уджсö.

Татшöм ногөн, Положениелөн 22 пунктса вылынджык индöм нормаясыс регламентируйтöны оз веськыда депутатъясөн депутатъяслысь уджмогъяс да депутатъяслысь удж збыльмöдöмкöд йитчöм юалöмьяс, а отсалан сяма, а стöчджыка кö, Коми Республикаса Каналан Сöветлөн

Аппаратын уджалысьясөн депутатъяслөн отувьяслысь уджсö документация боксянь, сьöмөн, материально-техническöя могмöдан юалöмьяс.

Татшöм лоöмторьяс дырйи колö шуны, мый Коми Республикалөн Каналан Сöветын депутатъяслөн отувьяс (фракцияс, депутатъяслөн группаяс) йылысь положениелөн 22 пункт, мый вынсьöдöма Коми Республикаса Каналан Сöветлөн 2007 во урасьöм тöлысь 21 лунся III-10/24 №-а Шуöмөн, оз мун паныд Коми Республикаса Оланподувлы, сылөн 6, 17 да 68 статьяслы, сы вöсна мый аслас оланподув-инöда вежöртас серти уджалысь инöда ладмöдöмлөн системаын тайö нормаыс подулавсьö Россия Федерацияса субъектъяслөн оланпас пыртысь (бöрйöм) да олöмö пöртысь канму власьт органьяс котыртан отувья принципьяс вылö, тырвийö лöсялö федеральной оланпастэчаслөн корöмьяслы, кутшöмьяс йитчöны депутатъяс отувьяслөн уджалан пöрадоккöд, оз кыскы депутатъясөн веськыда депутатъяслысь удж збыльмöдигөн торьялöмö да сийöс оз позь донъявны кызди Коми Республикалөн Каналан Сöветса депутатъяслы ассьыныс инöдьяс да кывкутана могьяс окталуна збыльмöдöм вылö условиеяс могмöдöмысь кутысьöс да налысь оланподув серти инöдьяс да вöля торкалысьöс.

Коми Республикаса Каналан Сöветлөн Аппаратын уджалысьяслысь, кодьяс документация боксянь, сьöмөн, материально-техническöя могмöдöны депутатъяслөн отувьяслысь уджсö, сийö либö мöд лыд урчитöмлысь коланлун да могьяслы лöсяланлун серти юалöмьясыс депутатъяслөн отувьясö пырысьяслөн лыд вылö мыджсьöмөн лоöны республикаса оланпас пыртысьлөн медыджыд инöдөн да Коми Республикаса Оланподув Ёрдлөн уджмогьясö, кызди сийöс индöма Коми Республикаса Оланподувлөн 96 статьяын да «Коми Республикаса Оланподув Ёрд йылысь» Коми Республикаса Оланпаслөн 3 статьяын, оз пырны.

Гижöм вылö подуласьöмөн, Коми Республикаса Оланподувлөн 96 статьяса 2 юкөнö, «Коми Республикаса Оланподув Ёрд йылысь» Коми

Республикаса Оланпаслөн 66 статьяса 1 юкөнө, 68, 69, 80 да 81 статьясы кутчысьёмөн, Коми Республикаса Оланподув Ёрд

ш у и с:

1. Лыддыны, мый Коми Республикаса Каналан Сöветын депутатяслөн öтувьяс (фракцияс, депутатяслөн группаяс) йылысь положениелөн 22 пункт, мый вынсьöдöма Коми Республикаса Каналан Сöветлөн 2007 во урасьём тöлысь 21 лунся III-10/24 №-а Шуöмөн, оз мун паныд Коми Республикаса Оланподувлы.

2. «Коми Республикаса Оланподув Ёрд йылысь» Коми Республикаса Оланпаслөн 73 статья серти тайö Шуöмыс лоö бöрьяөн, сийöс оз позь обжалуйтны, дзик пыр вынсялö сийöс йöзöдöм бöрын, уджалö веськыда да сийöс оз эскöдны мукöд органөн да чина йöзөн.

3. «Коми Республикаса Оланподув Ёрд йылысь» Коми Республикаса Оланпаслөн 72 статья серти тайö Шуöмсö дзик пыр колö официальной публикуйтны «Коми Республикаса канму власьт органьяслөн индöд-тшöктöмьяс» журналын да йöзöдны «Öтуввез» юöртан да коммуникация везйын Коми Республикалөн официальной сайтын «Коми Республикаса канму власьт органьясөн примитöм инöда актьяс, мукöд официальной юөр лыддьöг» сетевöй изданиеын (<http://law.rkomi.ru>).

Коми Республикаса Оланподув Ёрд